



REPUBLIKA E SHQIPËRISË
MINISTRIA E DREJTËSISË
SHËRBIMI I PROVËS
DREJTORIA E PËRGJITHSHME

Rruga "Jordan Misja", Pranë Gjykatës së Krimeve të Rënda

Tel. +355 4 2232 852

Nr. 291 Prot.
(lutemi referojuni në rast përgjigje)

Tiranë, më 01 . 03 .2010

Lënda: Dërgohet raporti statistikor mbi aktivitetin e Shërbimit të Provës për periudhën 1 Janar – 28 Shkurt 2010

Drejtuar: **Z. BUJAR NISHANI**
MINISTËR I DREJTËSISË

TIRANË

I nderuar Z. Ministër!

Mbështetur në nenin 9, gërma gj), të VKM nr. 302, datë 25.03.2009 "Për miratimin e Rregullores "Për organizimin e funksionimin e Shërbimit të Provës dhe për përcaktimin e standardeve dhe procedurave për mbikëqyrjen e ekzekutimit të dënimeve alternative"", po Ju paraqesim raportin statistikor mbi aktivitetin e Shërbimit të Provës për periudhën 1 Janar – 28 Shkurt 2010.

Duke Ju uruar punë të mbarë!

DREJTOR I PËRGJITHSHËM

ARBEN SEFGJINI

Konc. Saimir Shyti
Date. 01.03.2010



REPUBLIKA E SHQIPËRISË
MINISTRIA E DREJTËSISË
SHËRBIMI I PROVËS

R A P O R T I
PËR PERIUDHËN 1 JANAR – 28 SHKURT 2010

1 Mars 2010

I nderuar Zoti Ministër,

Mbështetur në nenin 9, gërma gj), të VKM nr. 302, datë 25.03.2009 "Për miratimin e Rregullores "Për organizimin e funksionimin e Shërbimit të Provës dhe për përcaktimin e standardeve dhe procedurave për mbikëqyrjen e ekzekutimit të dënimeve alternative", po Ju paraqesim raportin e veprimtarisë së Shërbimit të Provës për periudhën 1 Janar – 28 Shkurt 2010.

I. Statistika

Për periudhën 1 Janar-28 Shkurt 2010, Shërbimi i Provës ka kryer një volum pune të madh, duke marre parasysh faktin që numri i specialisteve të Zyrave Vendore të Shërbimit të Provës është i njëjti, ndërsa numri i të dënuarve me dënime alternative që këta specialiste mbikëqyrin, si dhe kërkesat nga Gjykata dhe prokuroritë për raporte vlerësimi janë në rritje të vazhdueshme. Disa nga statistikat dhe paraqitjet grafike që pasqyrojnë punën që ka kryer e po kryen institucioni do të jepen me anë të të dhënave si më poshtë:

1. Numri total i të dënuarve me dënime alternative që mbikëqyren nga Shërbimi i Provës

Numri total i të dënuarve me dënime alternative që mbikëqyren nga Shërbimi i Provës në të gjithë vendin, në total nga 01.06.2009-28.02.2010 është **1053** të dënuar (vetëm për periudhën 01 janar - 28 Shkurt 2010 është shtuar me 348 të dënuar). Mbikëqyrja për secilin prej tyre realizohet mbi bazën e programeve individuale të trajtimit.

- Në territorin që shtrin kompetencat Zyra Vendore Tiranë mbikëqyren në komunitet nga Shërbimi i Provës 566 të dënuar me dënime alternative.
- Në territorin që shtrin kompetencat Zyra Vendore Durrës mbikëqyren në komunitet nga Shërbimi i Provës 157 të dënuar me dënime alternative.
- Në territorin që shtrin kompetencat Zyra Vendore Fier mbikëqyren në komunitet nga Shërbimi i Provës 204 të dënuar me dënime alternative.
- Në territorin që shtrin kompetencat Zyra Vendore Shkodër mbikëqyren në komunitet nga Shërbimi i Provës 126 të dënuar me dënime alternative.

2. Numri mesatar i të dënuarve me dënime alternative që mbikqyren nga një punonjës i Shërbimit të Provës në nivel vendi dhe zyre vendore.

Aktualisht është 36 numri mesatar i të dënuarve që mbikqyren nga një punonjës në nivel vendi. E shprehur kjo për çdo zyrë vendore, nga ku del edhe ngarkesa për çdo punonjës të këtyre zyrave, është si më poshtë:

- Zyra Vendore Tiranë ka nën mbikëqyrje 57 të dënuar për çdo punonjës.
- Zyra Vendore Durrës ka nën mbikëqyrje 26 të dënuar për çdo punonjës.
- Zyra Vendore Fier ka nën mbikëqyrje 29 të dënuar për çdo punonjës.
- Zyra Vendore Shkodër ka nën mbikëqyrje 21 të dënuar për çdo punonjës.

Tabela 1, Grafiku 1: Ngarkesen mesatare e punes per Zyrat Vendore.

Nr	Zyrat Vendore	Të dënuar në mbikëqyrje	Nr. Punonjësve sipas ZVSHP	Të mbikëqyrrur për specialist
1	Zyra Vendore SH	126	6	21
2	Zyra Vendore DR	157	6	26
3	Zyra Vendore FR	204	7	29
4	Zyra Vendore TR	566	10	57
	TOTALI	1053	29	36



